




Ubuhlomisa izingane zethu
ngelikusasa.

Pre SS

**Isihloko sesifundo: Ukuba nguMntwana kaNkulunkulu
(amaSakramente, iziNceku)**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukuba nguMntwana kaNkulunkulu (amaSakramente, iziNceku)**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none">• IBhayibheli• Isifundo ngefomethi ye-PDF esivele silungisiwe• Incwadi yengane yokusebenzela kanye namapensele, amakhilayoni, njll.• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho• Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga – Pre-SS.</p> <p>2.4: Uyacelwa uthinte uThisha wakho we- Pre-SS uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo


Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**Pre-SS** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha bazimisele ukukusiza.



Isifundo

Isihloko	Ukuba nguMntwana kaNkulunkulu (amaSakramente, iziNceku)
Inhloso yesifundo	Sifunda ukuthi uBaba wethu oseZulwini usisondeza kanjani kuNkulunkulu ngoBhaphathizo oluNgcwele, ukuGcotshwa ngoMoya oNgcwele kanye neSidlo esiNgcwele seNkosi (isiThebe esiNgcwele), futhi sibonge futhi sibusisiwe ngokunakekelwa kwethu (yiziNceku) kwabefundisi bethu.

Yilena indaba:

Isifundo sethu simayelana nokuBhaphathizwa okuNgcwele, ukuGcotshwa ngoMoya oNgcwele, iSidlo esiNgcwele seNkosi kanye nezinceku (abefundisi) zethu.

Kanye nezimfundiso zikaJesu, uBhaphathizo oluNgcwele, uGcobo ngoMoya oNgcwele kanye neSidlo esiNgcwele seNkosi kungamaSakramente amathathu aqhutshwa eBandleni eliSha lobuPhostoli.

AmaSakramente ayiZenzo eziNgcwele, lapho uNkulunkulu enza khona isithembiso kubantu (wena nami).

ISenzo soBhaphathizo oluNgcwele senziwa ngamanzi ukuze sihlanjululwe futhi sivumele ubudlelwane phakathi kwethu noNkulunkulu ukuba buqinise. Ngalo, senziwa amaKristu futhi siba ngabakaNkulunkulu.

ISenzo sokuhlanganyela kwiSidlo esiNgcwele seNkosi saqalwa nguJesu ngenkathi egubha umkhosi weSidlo nabaPhostoli baKhe kusihlwa ngaphambi kokubethelwa kwaKhe uJesu (ukufa kukaJesu). Wayala abaPhostoli ukuba bagubhe umkhosi weSidlo esiNgcwele seNkosi ukumkhumbula. Ngakho-ke, iSidlo esiNgcwele seNkosi sigujwa kuzo zonke iziNkonzo eziNgcwele ukuze sikhumbule ukufa kukaJesu nokuthi wafela izono zethu. Lokhu kwenzeka lapho samukeliswa ucwecwana lwesinkwa.

ISenzo sokuGcotshwa ngoMoya oNgcwele kuyilapho labo abakholwa kuNkulunkulu bamukeliswa isipho sikaMoya oNgcwele. Lesisenzo senziwa kuphela ngumPhostoli lapho ebeka isandla sakhe ekhanda lethu bese esikhulekela. Lokhu kuyilapho senziwa khona abaNtwana bakaNkulunkulu.

Lezi zenzo ezintathu eziNgcwele zingenziwa kuphela ngabaPhostoli neziNceku (abeFundisi) zobuPristi.

IziNceku (abeFundisi) zethu

IziNceku zethu ziyizithunywa nezisebenzi zikaNkulunkulu. Ziyasithandazela futhi zisithwale ngothando olukhulu. Ngalokhu-ke siyabahlonipha, futhi siyabakhumbula nasemithandazweni yethu.

Sicela ubukele ividiyo nengane yakho ukuze ubone ukuthi lezi Zenzo ziqhutshwa kanjani.



Ingabe sisho ukuthini lesisifundo kithina namhlanje na?

- UBhaphathizo oluNgcwele, uGcobo ngoMoya oNgcwele kanye neSidlo esiNgcwele seNkosi kungamaSakramente amathathu aqhutshwa eBandleni eliSha lobuPhostoli.
- Lawa maSakramente amathathu ahambisana nezimfundiso zikaJesu.
- AmaSakramente ayiZenzo eziNgcwele, lapho uNkulunkulu enza isivumelwano khona nathi.
- AmaSakramente ayizipho zothando ezivela kuNkulunkulu ziqondiswe kithi.
- Uma samukela amaSakramente senziwa futhi sihlala singabaNtwana bakaNkulunkulu.

Eminye imibuzo esingayibuza:

1. Ingabe luyini uBhaphathizo oluNgcwele na?

Impendulo: LiwuBhaphathizo ngamanzi nokuhlanjululwa kwisono semvelo.

2. Ingabe lubaluleke ngani uBhaphathizo oluNgcwele na?

Impendulo: Luyisidingo sangaphambili sokuba ube nguMntwana kaNkulunkulu.

3. Ingabe luyini uGcobo ngoMoya oNgcwele na?


Impendulo: LiwuBhaphathizo ngoMoya oNgcwele ngokubekwa izandla ngumPhostoli ophilayo.

4. Ingabe kungani sigubha umkhosi weSidlo esiNgcwele seNkosi na?

Impendulo: Sigubha umkhosi weSidlo esiNgcwele seNkosi ukukhumbula ukufa kukaJesu ngenxa yezono zethu.

5. Ingabe kungani sinabeFundisi (iziNceku) ebandleni lethu na?

Impendulo: AbeFundisi bethu banakekela izidingo zethu zokomoya, ezinjengokunakekelwa komphfumulo, ukuvakashela abagulayo nokunikezela ngamaSakramente.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
